



Isalathiso: 2021 1020-6851
Inombolo yefayili: 12/2/8/13/Western Cape Essay Writing Bursary Competition
Imibuzo: TE Sikiti

INGcaciso eMfutshane yeCandelo leKharityhulam yeFET: DCF 0009/2021

Iya: KumaSekela-Balawuli-Jikelele; kuBalawuli abaziiNtloko; kuBalawuli; kwiiNgcali zeMfundo eziziiNtloko; kwiiNtloko zoKunika iNkxaso kwiKharityhulam; kuBaphathi beeSekethe, kwiiNtloko zoLawulo noKuphathwa kwamaZiko, kumaSekela eeNgcali zeMfundo eziziiNtloko, kuBaququzeleli boVavanyo neeMviwo, kuBacebisi beZifundo i-*Economics*, i-*Accounting*, i-*Mathematics* ne-*Life Orientation* nakwiiNqununu zezikolo ezifundisa amaBakala 10 ukuya ku-12

Isihloko: Ukhuphiswano lokubhala isincoko i-Western Cape Essay Writing Bursary Competition olwenzelwa abafundi beBakala 11 abenza i-Economics, i-Accounting neMathematics (ngo-2021/22)

1. I-Ofisi kaNondyabo wePhondo leNtshona Koloni (*Western Cape Provincial Treasury*), isebenzisana no-Nedbank kunye neSebe leMfundo leNtshona Koloni (WCED), icela izikolo ukuba zingenele ukhuphiswano lokubhala isincoko, olubizwa i-*Western Cape Essay Writing Bursary Competition* lwango-2021/2022.
2. Olu khuphiswano lunika abafundi beBakala 11 eNtshona Koloni, abenza izifundo ezidibanisa i-*Economics*, i-*Mathematics* ne-*Accounting*, ithuba lokufumana iibhasari nezinye izipho eziyinkuthazo (*incentives*) zokuba baqhubele phambili ngezifundo zabo kula macandelo ezifundo eyunivesithi.
3. Iya kuba ziibhasari ezilishumi elinesibini (12) ezona zininzi, kwakunye nebhaso lemali eyinkxaso yezemali ngethuba lonyaka wabo weBakala 12, eziya kunikwa abafundi abanenjongo yokufumana isidanga kwi-*Economics* (umz. *B.Com (Economics)*), kwi-*Accounting* (umz. *B.Acc, B.Compt*), kwi-*Commerce* (umz. *B.Bus.Sc*) okanye kwi-*Mathematics* kwiyunivesithi elapha eNtshona Koloni.
4. Iibhasari zezabafundi beBakala 11 abaye bagqwesa (ngo-60% elona nqanaba lokupasa lisezantsi) ubuncinane kwezi zifundo zibini kwezi, i-*Economics*, i-*Mathematics* ne-*Accounting* nabakufaneleyo ukungena eyunivesithi ngo-2022. Abangenela ukhuphiswano mababe ngabemi baseMzantsi Afrika, abahlala eNtshona Koloni, abanobuchule bokuthetha nokubhala isiNgesi.

5. Amabhaso ootitshala babafundi abaphumeleleyo:
 - Ibhaso eliyimali elinikwa utitshala ngamnye wabafundi abangenele ukhuphiswano baza baphumelela kwindawo yokuqala, kweyesibini, nakweyesithathu
 - Amabhaso ayimali anikwa ootitshala babafundi ngabafundi babo abathe banikwa ibhasari.

6. Kuya kucelwa iinqununu zezikolo zinike amagama ootitshala abachaphazelekayo.

7. Injongo yolu khuphiswano lwebhasari:
 - kukukhuthaza umdla kwi-*Economics*, kwi-*Mathematics* nakwi-*Accounting* namathuba amakhondo emisebenzi anokuthi abekho kula macandelo;
 - kukuphuhlisa ulwazi nezakhono kwi-*Economics*, kwi-*Mathematics* nakwi-*Accounting*;
 - kukuphuhlisa izakhono zokukwazi ukusombulula iingxaki nokukwazi ukucazulula idatha;
 - kukunika abafundi amathuba okufumana ulwazi ngeendlela zokwenza uphando (*research methodology*) nezakhono zokubhala izincoko;
 - kukunika abafundi amathuba okukwazi ukufikelela kwilizwe lempangelo nokukwazi ukuqhagamshelana nalo;
 - kukwenza abantu babe nolwazi ngemiba yezentlalo noqoqosho eMzantsi Afrika.
 - nokuphuhlisa iinkokeli zangomso kumacandelo ezifundo ze-*Economics*, ze-*Mathematics* neze-*Accounting*; kunye
 - nokukhuthaza nokuwonga umsebenzi ogqwesileyo.

8. Kucelwa ufunde la maxwebhu alandelayo aqhotyoshelweyo:
 - IsiHlomelo A: Ingcaciso ebalulekileyo eyongezelelweyo
 - IsiHlomelo B: Isihloko sesincoko (esinikwe kuphela ngesiNgesi) nerubrikhi yokusimakisha.
 - IsiHlomelo C: Ifom yokungenela.
 - IsiHlomelo D: Imanyuwali yokubhalwa kwesincoko.

9. Kufuneka izikolo zikhethe abafundi abaqhuba kakuhle kwizifundo zabo ukuba bathathe inxaxheba kolu khuphiswano. Baya kucelwa ukuba babhale isincoko esinamagama amalunga nayi-2 200. Abanye abafundi beBakala 11 beklasi ye-*Economics* banokubhala isincoko kwangesi sihloko sinye esinamagama ayi-600 awona maninzi naya kubala njengenxalenye yeprojekthi yophando lwabo yoVavanyo lwe-*School-Based Assessment*.

10. Ikomiti yootitshala esikolweni iya kusebenzisa irubrikhi yovavanyo enikiweyo ukukhetha abafundi ababini abagqwesileyo abayizalisekisayo eyona mfuno isezantsi imiselweyo engu-60% (isincoko neenkcazo-ntetho zomlomo (*oral presentations*) zidibene)) ukuze bakwazi ukudlulela kumjikelo olandelayo wolu khuphiswano. Izincoko neemakhishithi zabo bafundi **bagqwesileyo babini**, mazingeniswe kwi-ofisi yesithili ukwenzela uvavanyo lwesigaba 2 (kwinqanaba lesithili) ungadlulanga owe-**15 Novemba 2021**.

11. Iphaneli yovavanyo kwisithili ngasinye iya kuvavanya izincoko ezifanelekileyo ezivela kwizikolo ize ikhethhe abagqwesileyo bokugqibela. Izincoko ezilishumi ezigqwesileyo kwisithili ngasinye ziya kukhethwa yile phaneli zize zithunyelwe kwinqanaba lokugqibela (inqanaba lephondo) ungasidlulanga owe-30 Novemba 2021.
12. Ezona zincoko zigqwesileyo kwezo zelo nani lingenisiweyo, ziya kukhethwa yiphaneli ekhetha abagqwesileyo bokugqibela neya kwenziwa ngabameli bakwaNedbank, abe-Ofisi kaNondyebo wePhondo leNtshona Koloni nabeSebe iWCED.
13. Abagqwesileyo bokugqibela, baya kucelwa ukuba beze kukhetho lokugqibela eKapa ngoMatshi/Apreli 2022 ngoLwesihlanu emva kwemini nangentsasa yangoMgqibelo. Baya kucelwa ukuba benze inkcazo-ntetho yomlomo (*oral presentation*) ngeziphumo zophando lwabo nokuba baphendule imibuzo eya kubuzwa yiphaneli yokhetho. Ootitshala be-*Economics* babo bagqwesileyo bokugqibela, baya kucelwa ukuba bahambe kunye nabo. Amalungu ephaneli yesithili semfundo aya kucelwa ukuba aye kwitheko lamabhaso ngokuhlwa kwangoMgqibelo.
14. Imibuzo malunga nokubhalwa nokumakishwa kwesincoko, mayibhekiswe ngqo kubacebisi bezifundo be-*Economics* kwizithili zemfundo.
15. Kucelwa iinqununu zazise okukule ngcaciso imfutshane bonke ootitshala beBakala 11 bezifundo ze-*Economics*, *Mathematics*, *Accounting*, *English* ne-*Life Orientation* ukuze bakuthathele ingqalelo.

ISAYINWE: NGU-H MAHOMED

USEKELA MLAWULI-JIKELELE WOLAWULO LWEKHARITYHULAM NOVAVANYO

UMHLA: 2021-10-22